

晚唐劉得仁詩目

青龍寺僧院

夏夜會同人

遊崔監丞城南別業

答韋先輩春雨見寄

題吳先生山居

晚遊慈恩寺

題王處士山居

宿僧院

曉別呂山人

送知全禪師南遊

上張水部

塞上行作

贈江夏盧使君

冬夜寄白閣僧

監試蓮花峯

京兆府試目極千里

尋陳處士山堂

題從伯舍人道正里南

園

賦得聽松聲

宿普濟寺

和鄭校書夏日遊鄭泉

和段校書冬夕寄題■山

書事寄萬年厲員外 上姚諫議

送姚合郎中任杭州 西園

昊天觀新栽竹 晚步曲江因謁慈恩寺

恭上人 送姚處士歸亳州

寄樓子山雲棲上人 秋夜喜友人宿

秋日同僧宿西池 宿韋津山居

夜携酒訪崔正字 送蔡京東歸迎侍

中秋夜 池上宿

秋夕卽事 晚夏

夏日卽事 夏日通濟里居酌諸輩

見訪 寄姚諫議

和厲玄侍御題戶部相公廬山草堂

題山中故靜禪師 夏日遊慈恩寺

題終南麻先生宿禪師石室

送靈武朱書記

弔草堂禪師

早春送湘潭李少府之任

送越客歸

送周鉞往江夏

哭翰林丁侍郎

送河池李明府之任

送蔡京侍御赴大梁幕

哭鮑容有感

禁署早春晴望

送僧歸玉泉寺

悲老宮人

宣義池上

村中閒步

回中秋訪獨孤從事

上巳日

宿宣義池亭

山中尋道人不過

送智玄首座歸蜀中舊山

賀顧非熊及第

下第

省試日上崔侍郎四首

秋夜

長門怨

賈婦怨

寄友

晏起

馬上別單于劉評事

贈從弟谷

別山崖

贈道人

對月寄同志

冬日駱家亭子

題邵公禪院

憶鶴

鶯出谷

贈敬暉助教二首

聽夜泉

樂遊原春望

憶鶴

上翰林丁學士

登第山中舒懷寄上丁

學士

陳情上李景讓大夫

贈雍陶博士

和鄭先輩謝秩間居寓

書所懷

夏日感懷寄所知

病中晨起即事寄場中往還

陳情上知己

秋夜寄友人二首

寄春坊顧校書

寄雍陶先輩

對月又寄

寄謝觀

送鄂州崔大夫赴鎮

送錢給事赴虢州

送雍陶侍御赴兗州裴尚書命

送新羅人歸本國

送車濤罷舉歸山

送王書記歸邠州

送謝觀之劍南從事

送顧非熊作尉盱眙

送高湘及第後東歸覲

叔

送友人下第歸覲

送友人下第歸揚州觀省

早行

通濟里居酬盧肇見尋

不遇

贈王尊師

冬夜與蔡校書宿無可上人院

冬日喜同志宿

逢呂上山人

春暮對雨

長信宮

初夏題段郎中脩竹里南園

題景玄禪師院

夏日樊川別業即事

寄無可上人

和范校書贈造微上人

訪曲江湖處士

慈恩寺塔下避暑

秋晚與友人遊青龍寺

春日雨後作

別王山人

贈陶山人

送祖山人歸山

劉得仁

青龍寺僧院

常多簪組客非獨看高松此地堪終日開門見數
峰苔新禽跡少泉冷樹陰重師意如山裏空房曉
暮鐘

夏夜會同人

沉沉清暑夕星斗儼虛空岸幘栖禽下烹茶玉漏
中形骸忘已久偃仰趣無窮日汲泉來漱微開密
篠風

晚唐詩 劉得仁

野香堂

遊崔監丞城南別業

門與青山近
青山復幾重
雪融皇子岸
春泥翠微峰
地有經冬草
林無未老松
竹寒溪隔寺
晴日直聞鐘

答韋先輩春雨後見寄

風散五更雨
鳥啼三月春
軒窓透初日
硯席絕纖塵
帝里峰頭出
隣家樹色新
憐君高且靜
有句寄閒人

題吳先生山居

先生此幽隱
便可謝人羣
潭底見秋石
樹間飛響雲
山居心已慣
俗事耳憎聞
念我要多疾
開爐藥許分

晚遊慈恩寺

寺去幽居近
每來因採薇
伴僧行不困
臨水語忘歸
磬動青林晚
人驚白鷺飛
堪嗟浮俗事
皆與道相違

題王處士山居

茅堂入谷遠
林暗絕其隣
終日有流水
經年無到

人溪雲常欲雨山洞別開春自得仙家術栽松獨
養真

宿僧院

禪地無塵夜焚香話所歸樹搖幽鳥夢螢入定僧
衣破月斜天半高河下露微翻令嫌白日動卽與
心違

曉別呂山人

疎鐘兼漏盡曙色照青氛栖鶴出高樹山人歸白
雲月盈期重宿丹熟約相分羨入秋風洞壑泉子

細聞

送知全禪師南遊

帥譽振京城談空萬乘聽北行山已雪南去木猶
青夜嶽禪銷月秋潭汲動星迴期不可定孤鶴在
高冥

上張水部

出入門闌久兒童亦有情不須將姓字長說向公
卿每許連牀坐時容並馬行恩深轉無語懷抱自
分明

塞上行作

鄉井從離別窮邊觸目愁
生人居外地塞雪下中秋
雁舉之衡翅河穿入流將軍心莫苦
向此取封侯

贈江夏盧使君

詩人中最屈無與使君儔
白髮雖求退明時合見收
登山猶自健縱酒可多愁
好是能騎馬相逢見鄂州

冬夜寄白閣僧

營營不自息睽澗數年情
林下期難遂人間事旋生
鳥棲寒水迥月映積冰清
石室焚香坐懸知不爲名

監試蓮花峰

太華萬餘重峯堯只此峰
當秋倚寥泬入望似芙蓉
翠拔千尋直青危一朶穠
氣分毛女秀靈有羽人蹤
倒影侵官路流香激廟松
塵埃終不及車馬自憧憧

京兆府試目極千里

獻賦多年客低眉恨不前此心常鬱矣縱目忽超
然送驥登長路看鴻入遠天古墟煙冪冪窮野草
綿綿樹與金城接山疑桂水連何當開霽日無物
翳平川

尋陳處士山堂

步溪凡幾轉始得見幽蹤路隱千根樹門開萬仞
峰片雲生石竇淺水臥枯松窮谷風光冷深山翠
碧濃鶴看空裏過仙向坐中逢底露秋潭水聲微
暮觀鐘他年來此定異日願相容且喜今歸去人
間事更慵

題從伯舍人道正里南園

帝里餘新第朱門面碧岑曙堂增爽氣喬木動清
陰直去親瑤陛朝迴在竹林風流才子調好尚古
人心薜荔遮窓暗莓苔近井深禮無青草隔詩有
白衣吟軒靜畱孤鶴庭虛到遠砧掩關裁鳳詔開
鏡理瓊簪種植今如此塵埃永不侵雲奔投刺者
日日待爲霖

賦得聽松聲

庭際微風動高松韻自生聽時無物亂盡日覺神
清強與幽泉並翻嫌細雨并拂空增鶴唳過牖合
琴聲况復當秋暮偏宜在月明不知深澗底蕭瑟
有誰驚

宿普濟寺

京寺數何窮清幽此不同曲江臨閣北御苑自牆
東廣陌車音急危樓夕景通亂峰沈暝野毒暑過
秋空幡颺虛無裡星生杳靄中月光籠月殿蓮氣
入蓮宮綴草涼天露吹人古木風飲茶除假寐聞
磬釋塵蒙童子眠苔淨高僧話漏終待鳴曉鐘後
萬井復瞳朧

和鄭校書夏日遊鄭泉

太虛懸畏景古木蔽清陰爰有泉堪挹閒思日可
尋來聞鳴滴滴照竦碧沈沈幾脉成溪壑何人測
淺深澄時無一物分處歷千林淨漑靈根藥涼浮
玉翅禽飲疑蠲宿疾見自失煩襟僧共雲前瀨龍
和月下吟疊光輕吹動徹底曉霞侵不用頻遊去
令君少進心

和段校書冬夕寄題廬山

嘗聞廬嶽頂半入楚江湄幾處懸崖上千尋瀑布
垂爐峰松漸瀝湓浦柳參差日色連湖白鐘聲拂
浪遲煙梯綠薜荔嶽寺步欹危地本饒靈草林曾
出祖師石樓霞耀壁猿樹鶴分枝細徑縈巖末高
窓見海涯嵌空寒更極寂寞夜尤思陰谷水埋木
仙田雪覆芝亂泉禪客瀨異迹逸人知蘚室新開
竈裡潭未了棋如何遂閒放長得任希夷

書事寄萬年厲員外

帝城皆劇縣令尹美居東遂拜趙張下斲離星象
中擁歸從北闕送上動南宮紫禁黃山遶滄溟素
澹通封疆親日月邑里出王公賦稅克天府歌謠
入聖聰土膏寒麥覆人海晝塵蒙廨宇松連翠朝
街火散紅文場新桂茂粉署舊蘭崇留客揮盈爵
抽毫詠早鴻前騶潘岳貴故里邵平窮勸隱蓮峰
久期耕樹谷同鳧飛將去葉劍氣尚埋豐何必華
陰土方垂拂拭功

上姚諫議

高文與盛德皆謂古無倫聖代生才子明庭有諫
臣已瞻龍袞近漸向鳳池新却憶波濤郡來時島
嶼春名因詩句大家似布衣貧曾暗投新軸頻聞
獎滯身照吟清夕月送藥紫霞人終計依門館何
疑不化鱗

送姚合郎中任杭州

水陸中分程看花一月行會稽山隔浪天竺樹連
城候吏齋魚印迎船載旆旌渡江春始半列嶼草
初生

西園

夏圃秋涼人樹低逢幘歌水聲翻敗堰山翠濕疎
籬綠滑莎藏徑紅連果壓枝幽人更何事且夕與
僧期

吳天觀新栽竹

清風枝葉上山鳥已栖來根別古溝岸影生秋觀
苔徧思諸草木惟此出塵埃恨爲移君晚空庭更
擬栽

晚步曲江因謁慈恩寺恭上人

豈日趨名者年年待命通
坐令青嶂上興起白雲
中岸浸如天水林舍似
雨風南宗猶有碍西寺
問
恭公

送姚處士歸亳州

白髮麻衣破還譙別弟
迴首垂聽樂淚花落待
歌
杯石路尋芝熟柴門有
鹿來明王下徵詔應就
碧
峰開

寄樓子山雲棲上人

一室鑿崔嵬危梯疊蘚苔
永無塵事到時有至人
來澗谷冬深靜烟嵐日
午開脩身知得地涼寺
未
言迴

秋夜喜友人宿

莫話春闈事清宵且共吟
頻年遺我輩何日遇知
音逼曙天傾斗將寒葉墜
林無將簪紱意祇損壯
夫心

秋日仝僧宿西池

茵菡遍秋水隔林香似焚
僧仝池上宿霞向月邊
分渚鳥栖蒲立城砧接曙
聞來宵莫他約重此話

孤雲

宿韋津山居

永夕見招宿詩書盈草堂
靜吟傾美酒高論出名
場窓颯松篁韻庭兼雪月
光心期身未老一去泛
瀟湘

夜攜酒訪崔正字

只應芸閣吏知我僻兼愚
吟興忘飢凍生涯任有
無慘雲埋遠岫陰吹吼寒
株忽起圍爐思招攜酒
滿壺

送蔡京東歸迎侍

高堂惟兩別此別是榮歸
薄俸迎親遠平時知己
稀鄆郊秋木見魯寺夜鐘
微近臘西來日多逢霰
雪飛

中秋夜

塵裏兼塵外咸期此夕明
一年惟一度長恐有雲
生露洗微埃盡光濡是物
清朗吟看正好惆悵又
西傾

池上宿

晚唐詩 劉得仁

事事不求奢長吟省歎嗟無才甘世棄有句向誰
誇老樹呈秋色空池浸月華涼風白露夕此境屬
詩家

秋夕卽事

永夕坐暝久瀟瀟猿狖啼漏微砧韻隔月落斗杓
低危葉無風墜幽禽並樹棲自憐在岐路不醉亦
沈迷

晚夏

日夕是西風流光半已空山光漸凝碧樹葉卽翻
紅學淺慚多士秋成羨老農誰憐信公道不泣路
岐中

夏日卽事

到曉改詩句四隣嫌苦吟中宵橫北斗夏木隱栖
禽天地先秋肅軒窓映月深幽庭多此景惟恐曙
光侵

夏日通濟里姑酬諸輩見訪

君子遠相尋聯鑣到敝林有詩誰索和無酒可賒
斟門列晴峰色堂開古木陰何因駐清聽惟恐日

西沉

寄姚諫議

鳴鞭靜路塵籍籍諫垣臣
函疏封還密爐香侍立
親篋多臨水作窓宿臥雲人
危坐開寒紙燈前起
草頻

和厲玄侍御題戶部相公廬山草堂

白雲居創畢詔入鳳池年
林長雙峰樹潭分並寺
泉石溪盤鶴外岳室閉猿前
柱史題詩後松門更
蕭然

題山中故靜禪師

寂滅身何在門人隔此生
影懸塵已厚塔種柏初
成溪院秋先雪山堂古有精
當時挂錫處樹老幾
枝傾

夏日遊慈恩寺

何處消長日慈恩精舍頻
僧高容野客樹密絕囂
塵間上凌虛塔相逢避暑人
却愁歸去路馬迹並
車輪

題終南麻先生寂禪師石室

因居石室貧五十二迴春擁褐冥心客窮經暮齒
人翠沈空水定雨絕片雲新危細秋峰徑相隨到
頂頻

送靈武朱書記

靈師與誰善得君賓幕中從容應盡禮贊畫致元
功連塞雲長慘纔秋樹半空相如偏自愜掌記復
乘驄

弔草堂禪師

杖履疑師在房關四壁蛩貯甌經臘水響塔隔山
鐘乳鶴沿苔井齋猿散雪峰如何不相見倚徧寺
前松

早春送湘潭李少府之任

柳新春水湄春岸草離離祖席觴云盡離人淚各
垂業文傳不朽作尉豈多時公退琴堂上風吹斑
竹枝

送越客歸

霜薄東南地江楓落未齊衆山離楚上孤棹宿吳
西渚客畱僧語籠猿失子啼到家冬卽是荷盡若

耶溪

送周鉞往江夏

東西南北郡自說徧曾遊人世終多故皇都不少
留郢城帆過夜漢水月方秋此謁親知去聞猿豈
解愁

哭翰林丁侍郎

相知出肺腑非舊亦非親每見見雲霄侶多揚鄙拙
身卽期扶泰運豈料哭賢人應是隨先帝依前作
近臣

送河池李明府之任

河池安所理種柳與彈琴自合清時化仍資白首
吟程餘行片月公退入遙林想得詢民瘼方稱單
父心

送蔡京侍御赴大梁幕

同城各多故會面亦稀疎及道須相別臨岐恨有
餘梁園飛楚鳥汴水走淮魚衆說裁軍檄陳琳遠
不如

哭鮑容有感

鮑容詩劉得仁

寥落故人宅今來身已亡
古苔封墨沼深竹映書
堂秋色池館靜雨聲雲
水涼無因展交道日暮
剖心腸

禁署早春晴望

御林聞有早鶯聲玉檻
春香九陌晴寒着霽雲
歸紫閣暖浮佳氣動芳
城宮池日到水初解輦
路風吹草欲生鴛侶此
時皆賦詠商山雪在思
尤清

送僧歸玉泉寺

玉泉歸故剎便老是心
期亂木孤蟬後寒山絕
鳥時若尋流水去轉出
白雲遲見說千峰路溪
深頂復危

悲老宮人

白髮宮娃不解悲滿頭
猶自插花枝曾緣玉貌
君王寵準擬人看似舊
時

宣義池上

修篁夾綠池幽絮此中
飛何必青山遠仍將白
髮歸鳥啼亦有恨鷗習
總無機樹起秋風細西
林磬入微

村中間步

閒共野人臨野水
新秋高樹挂清暉
不知塵裡無窮事
白鳥雙飛入翠微

回中夜訪獨孤從事

滿庭霜月魄風靜絕
纖聞邊境時無事
州城夜訪君擁裘
聽塞角酌醴話湘雲
贊佐元戎美恩齊十萬軍

上巳日

未敢分明賞物華
十年如見夢中花
遊人過盡衡門掩
獨自凭欄到日斜

宿宣義池亭

暮色遶桐亭
南山幽竹青
夜深斜舫月
風定一池星
島嶼無人跡
菰蒲有鶴翎
此中足吟眺
何用泛滄溟

山中尋道人不遇

年過弱冠風塵裏
常擬隨師學鍊形
石路特來尋道者
雲房空見有仙經
碁於松底畱殘局
鶴向潭邊退數翎
便欲此居閒到老
先生何日下青冥

送智玄首座歸蜀中舊山

像教得重興因師說大乘從來悟明主今去證高僧蜀國煙霞異靈山水月澄鄉閭諸善友喜似見南能

賀顧非熊及第

愚為童稚時已解念君詩及得高科晚須逢聖主知

下第

外族帝王是中朝親舊稀翻令浮議者不使九霄

飛

省試日上崔侍郎四首

衣上年年淚血痕只將懷抱訴乾坤如今主聖臣賢日豈致人間一物冤

如病如癡二十秋求名難得又難休回看骨肉須堪耻一着麻衣便白頭

戚里稱儒媿小才禮闈公道此時開他人何事虛相指明主無私不是媒

方寸終朝似火燃為求白日上青天自嗟辜負平

生眼不識春光二十年

秋夜

秋氣滿堂孤燭冷
清宵無寐憶山歸
牕前月過三更後
細竹吟風似雨微

長門怨

爭得一人聞此怨
長門深夜有妍姝
早知雨露翻相誤
只插荆釵嫁匹夫

賈婦怨

嫁與商人頭欲白
未曾一日得雙行
任君逐利輕

江海莫把風濤似
妾輕

寄友

風颯沉思眼忽開
塵埃污得是庸才
那堪更見巢松鶴
飛入青雲不下來

晏起

日過辰時猶在夢
客來應笑也求名
浮生自得長高枕
不向人間與命爭

馬上別單于劉評事

時太和公主還京
評事罷舉起職

廟謀宏遠人難測
公主生還帝感深
天下底平須

共喜一時間事莫驚心

贈從弟谷

此世榮枯豈足驚相逢惟要眼長青從來不愛三
閭死今日憑君莫獨醒

別山居

萬壑千巖景象開登臨未足又須回憑師莫斷松
間路秋月圓時弟子來

贈道人

長在城中無定業賣丹磨鏡兩途貧三山來往尋
常事不省曾驚市井人

對月寄同志

霜滿中庭月在林塞鴻頻過又更深支願不語相
思坐料得君心似我心

冬日駱家亭子

亭臺臘月時松竹見貞姿林積烟藏日風吹水合
池恨無人此住靜有鶴相窺是景吟詩徧真于野
客宜

題邵公禪院

無事門多掩陰階竹掃苔勁風吹雪聚渴鳥啄水
開樹向寒山得人從瀑布來終期天目老擎錫逐
笑回

憶鶴

自爾歸仙後經秋又過春白雲尋不得紫府去無
因此地空明月何山伴羽人終期華表上重見令
威身

鶯出谷

東風潛啓物動息意皆新此鳥從幽谷依林報早
春出寒雖未久振羽漸能頻稍類冲天鶴多隨折
桂人罇前喧有語花裏晝藏身若向穠華處餘禽
不見親

贈敬暉助教

到來常聽說清虛手把玄元七字書仙籍不知名
姓有道情惟見往來疎已能絕粒無饑色早晚休
官買隱居便欲去隨爲弟子片雲孤鶴可相於

二

街西靜觀求居處不到權門到寺頻禁掖人知連

狀薦國庠官滿一家貧清儀稱是蓬瀛客直氣堪
爲諫諍臣自顧無成年漸長報恩惟願殺微身

聽夜泉

靜裡層層石潺湲到鶴林流迴出幾洞源遠歷千
岑寒助空山月清兼此夜心幽人聽達曙相和蘇
牀吟

樂遊原春望

樂遊原上望望盡帝都春始覺繁華地應無不醉
人雲開雙闕麗柳映九衢新愛此頻來往多聞逐

此身

憶鶴

白絲翎羽丹砂頂曉度秋烟出翠微來向孤松枝
上立見人吟苦却高飛

上翰林丁學士

今代如堯代徵賢察衆情久聆推行實然後佐聰
明官自文華重恩因顧問生詞人求作稱天子許
和羹御柳凋霜晚宮泉滴月清直廬寒漏近秋燭
白麻成玉殿移時對金輿數侍行賜衣香未散借

馬色難名時輩何偏羨儒流此最榮終當開燹理
寰宇永昇平

二 一將後四句作下第吟

何處訪岐路青雲但憶歸風塵數年限門館一生
依外族帝王是中朝親舊稀翻令浮議者不許九
霄飛

登第山中舒懷寄上丁學士

五字投精鑿慙非大雅詞本求閒賜覽豈料便蒙
知幽拙欣殊幸提攜更不疑弱苗須雨長懶翼在

風吹礪鏃端楊葉光門待桂枝計聞塵裏譽因和

禁中詩 學士有禁中詩
早春曾命和

陳情上李景讓大夫

一被浮名誤旋遭白髮侵徘徊戀明主夢寐在秋
岑遇物唯多感居常只是吟待時鉗定口經事歷
低心辛苦文場久因緣戚里深 親弟大中
元年尚主 老迷新

道路貧賣舊園林晴賞行聞水宵碁坐見參龜留
閒去問僧約偶來尋望喜潛憑鵲娛情願有琴此
生如遂意誓死報知音上德憐孤直唯公拔陸沉

丘山恩忽被螻蟻力難任作鑒明同日聽言重若
金從茲更無限翹足俟爲霖

贈雍陶博士

腹是羣書笥官爲六義師情高少塵事朝下足閒
時有句同人伏無私胄子知漢庭公議在正與觸
邪宜

和鄭先輩謝秩閒居寓書所懷

西風日夜吹萬木共離披近甸新晴後高人得意
時暫開心亦泰論道面難欺把筆還詩債將琴當
酒資藍衫懸竹桁烏帽掛松枝名占文章重官歸
諫憲遲生涯貧帝里公議到台司室冷沾苔蘚門
清絕路岐莫言隣白屋卽賀立丹墀豈慮塵埃久
雲霄故有期

夏日感懷寄所知

了了見岐路欲行難負心趨時不圓轉自古易溷
沉日正林方合蜩鳴夏已深中郎今遠在誰識費
桐音

病中晨起卽事寄塲中往還

昨日離塵裏今朝懶已成豈能爲久隱更欲泥浮
名虛牖晨光白幽園曉氣清戴沙尋水去披霧入
林行疊葉孤禽在初陽半樹明桑麻新雨潤蘆荻
古波聲易向田家熟元于世路生病多三徑塞吟
苦四隣驚

陳情上知己

性與才俱拙名場迹甚微久居顏益厚獨立事多
非刻骨搜新句無人憫白衣明時自堪戀不是不
知機

秋夜寄友人二首

永夜無他慮長吟畢二更暗燈搖碧影滯雨滴堦
聲道進愁還淺年加睡自輕如何得深術相與捨
浮名

所思同海岱所夢亦烟波默坐看山久閒行值寺
過獨吟黃葉亂相去碧峰多我有歸心在君行竟
若何

寄春坊顧校書

寧因不得志寂寞本相宜瞑目冥心坐花開花落

時數畦蔬甲出半夢鳥聲移只恐龍樓吏歸山又見違

寄雍陶先輩

久別青雲士幽人分固然愁心不易去蹇步卒難前盡落經霜葉頻陰欲雪天歸山自有限豈待白頭年

對月又寄

圓明寒魄上天地一光中臨水通宵坐知君此典同華凝衣有露靜極樹無風若向湘江見湘江徹

底空

寄謝觀

十五年餘苦今朝始遇君無慙於白日不枉別孤雲得失天難問稱揚鬼亦聞此恩銷鏤骨吟坐葉紛紛

送鄂州崔大夫赴鎮

廉問帝難人朝廷輟重臣入山初有雪登路正無塵去國鳴騶緩經雲住旆頻千峰與萬木親聽雨情新

送錢給事赴虢州

帝心憂虢俗暫輟掖垣臣疲瘵初承制鄉閭似得
春化成應有瑞位重轉聞貧用作鹽梅日爭迴臥
轍人

送雍陶侍御赴兗州裴尚書命

綸閣知孤直翻論北巷賢且縻蓮幕裏會致玉階
前洙泗秋微動龜蒙月正圓元戎軍務息清句待
君聯

送新羅人歸本國

雞林隔巨浸一往一年行日近國先曙風吹海不
平眼穿鄉井樹頭白渺瀰程到彼星霜換唐家語
却生

送車濤罷舉歸山

朝是暮還非人情冷暖移浮生只如此強進欲何
爲要路知無援深山必遇師憐君明此理休去不
遲疑

送王書記歸邠州

陳琳輕一別上馬意超然來日行煩暑歸時聽早

蟬陰雲翳城郭細雨柰山川從事公劉地元戎舊
禮賢

送謝觀之劍南從事

迢遞從知己他人敢更言離京雖未臘到府已應
眩飛急奔行雁啼酸憶子猿江山無限思君擬共
誰論

送顧非熊作尉盱眙

一名兼一尉未足是君仲歷數為詩者多來作諫
臣路翻平楚澗草帶古淮新天下雖云大同聲在
幾人

送高湘及第後東歸覲叔

此去幾般榮登科鬪足名無慚入南巷高價聳東
京牕對嵩山碧庭來洛水聲門前桃李樹一徑已
陰成

送友人下第歸覲

若此卜行日高堂應夢歸莫將和氏淚滴著老萊
衣嶽雨連河細田禽出麥飛到家調膳後吟苦落
蟾暉

送友人下第歸揚州覲省

新柳間花垂東西京路岐園林知自到寢食計相
思雨斷淮山出帆揚楚樹移晨昏心已泰蟬發是
回時

早行

萬類半已動此心寧自安月沉平野盡星隱曙空
殘馬渡橫流廣人行湛露寒還思猶夢者不信早
行難

通濟里居酬盧肇見尋不遇

衡門掩綠苔樹下絕塵埃偶赴高僧約旋知長者
來雲山堪眺望車馬必徘徊問以何為待慙無酒
一盃

贈王尊師

為道常日損尊師修此心挂肩黃布被穿髮白蒿
簪符札靈砂字絃彈古素琴囊中曾有藥點土亦
成金

冬夜與蔡校書宿無可上人院

儒釋偶同宿夜窓寒西
為忘機于世久晤語到天

明月倒高松影風延一磬聲真門猶是幻不用覺
浮生

冬日喜同志宿

相逢話清夜言實轉相知共道名雖切唯論命不
疑吟身坐霜石眠鳥握風枝別憶天台客烟霞昔
有期

逢呂上山人

塵裏正愁老相逢眼益明從前枉多病此後鮮疎
名古栢今收子深山許事兄長生如有分願逐到
蓬瀛

春暮對雨

春暮雨微微翻疑墜葉時氣蒙楊柳重寒勒牡丹
遲未夕鳥先宿望晴人有期何當廓陰閉新暑竹
風吹

長信宮

簟涼秋氣初長信恨何如拂黛月生指解鬟雲滿
梳一從悲畫扇幾度泣前魚坐聽南宮樂清風搖
翠裾

初夏題段郎中脩竹里南園

高人遊息處與此曲池連
密樹纔春後深山在日
前遠峰初絕雨片石欲生烟
數有僧來宿應緣靜
好禪

題景玄禪師院

古僧精進者師復是誰
流道貴行無我禪難說到
頭汲泉羸鶴立擁褐老猿愁
曾住深山院何如此
院幽

夏日樊川別業卽事

無事稱無才柴門亦罕開
脫巾吟永日看屐步荒
臺風卷微塵上霆將暴雨來
終南雲漸合咫尺失
崔嵬

寄無可上人

省學爲詩日宵吟每達晨
十年期是夢一事未成
身枉別山中客殊非世上人
今來已如此須得桂
榮新

和范校書贈造微上人

得性見微公何曾執着空
修心將佛並吐論與儒

通曉漱松杉下宵禪雪月中他生有緣會君子亦
應同

訪曲江湖處士

何況歸山後而今已似仙卜居天苑畔閒步禁樓
前落日明沙岸微風上紙鳶靜還林石下坐讀養
生篇

慈恩寺塔下避暑

古松凌巨塔脩竹映空廊竟日聞虛籟深山只此
涼僧真生我靜水淡發茶香坐久東樓望鐘聲振
夕陽

秋晚與友人遊青龍寺

高視終南秀西風度閣涼一生同隙影幾處好山
光暮鳥投羸木寒鐘送夕陽因居話心地小暝宿
僧房

春日雨後作

朝來微有雨天地爽無塵北闕明如晝南山碧動
人車輿終日別草樹一城新枉是吾君戚何門謁
紫宸

別王山人

旨甘雖自足未是祿榮親尚逐趨時伴多離有道
人山居衣似草生計藥隨身不食長無病年知過
十旬

贈陶山人

處士例營營惟君縱此生閒能資壽考健不換公
卿藥圃妻同耨山田子共耕定知丹熟後無姓亦
無名

送祖山人歸山

偶來朝市笑浮雲却憶烟霞出帝城不說金丹能
點化空教弟子學長生壺中瀉酒看雲飲洞裏逢
師下鶴迎料得仙家玉牌上已鐫白日上昇名